

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Broj: 09-45-509/23
Sarajevo, 16.02.2023. godine

| Primljeno: 09-03-2023 | | | |
|-----------------------|------|---------|------------|
| Org. jed. | Broj | Priloga | Vrijednost |
| 05/1 | 02- | 26 | 1/23 |

PREDSTAVNIČKI DOM PARLAMENTA FBiH
n/r poslanik Amir Purić

SARAJEVO

PREDMET: Poslanička inicijativa, odgovor – dostavlja se.-

Veza: Vaš akt broj: 05/1-02-26/23 od 07.02.2023. godine

U vezi sa poslaničkom inicijativnom, koju je podnio Amir Purić, koja je dostavljena aktom Vlada Federacije Bosne i Hercegovine broj: 03-04-32-1/23 od 09.02.2023. godine, a kojom se traži hitni inspekcijski nadzor jedinstvenog općinskog organa Općine Velika Kladuša i davanje mišljenja povodom dosljedne primjene Zakona o principima lokalne samouprave u Federaciji Bosne i Hercegovine, a po pitanju imenovanja predsjedavajuće Općinskog vijeća Općine Velika Kladuša Bisenije Mušedinović, ističemo slijedeće:

Federalno ministarstvo pravde je povodom navedenog pitanja dostavilo odgovor aktom broj: 09-45-412/23 od 10.02.2023. godine koje Vam dostavljamo u prilogu ovoga akta.

S poštovanjem.

Prilog:
-Kao u tekstu.

Dostaviti:

1. Naslovu,
2. U registar
3. Arhivi.



MINISTAR

Mato Jozić

Broj: 09-45-412/23
Sarajevo, 10.02.2023. godine

BISENIJA MUŠEDINOVIĆ
Mahmuta Zulića br. 29

77230 VELIKA KLADUŠA

PREDMET: *Odgovor na upit.-*

VEZA: *Vaš akt od 04.02.2023. godine*

Vašim aktom od datuma veze zatražili ste mišljenje Federalnog ministarstva pravde o zakonitosti postupanja Općinskog načelnika Općine Velika Kladaša, a koje se odnosi na ovjeravanje odluka donesenih od strane Općinskog vijeća Općine Velika Kladaša.

U vašem aktu navodite da je Pravilnikom o izradi, upotrebi, čuvanju i uništavanju pečata u organu uprave Općine Velika Kladaša propisano da „pečatom rukuje, upotrebljava ga i stara se o njegovom čuvanju službena osoba (savjetnik načelnika, državni službenik ili namještenik) u svrhe propisane zakonom i drugim propisima, a kojeg je posebnim rješenjem ovlastio Općinski načelnik“.

Uvidom u kopiju navedenog Pravilnika i Zakona o pečatu Unsko-sanskog kantona (“Službeni list Unsko-sanskog kantona”, broj: 01/95 i 3/97 i “Službeni glasnik Unsko-sanskog kantona”, broj: 18/04) može se zaključiti da je je članom 17. stav 2. Zakona o pečatu Unsko-sanskog kantona propisano „O načinu čuvanja i upotrebe odlučuje funkcioner koji rukovodi organom“.

Iz citirane zakonske odredbe vidljivo je da ona ne može poslužiti kao pravni osnov za donošenje Pravilnika o izradi, upotrebi, čuvanju i uništavanju pečata u organu uprave Općine Velika Kladaša a kojim će se regulisati i pitanje upotrebe i čuvanja pečata Općinskog vijeća. Općinski načelnik rukovodi općinskim organom uprave, a ne i Općinskim vijećem koje je poseban predstavnički organ građana i odvojen od općinskog organa uprave.

Također ukazujemo i na odredbu člana 15. Statuta Općine Velika Kladaša kojim je propisano da se “veličina, sadržaj, i način upotrebe pečata uređuje posebnim aktom Općinskog vijeća u skladu sa zakonom”.

Iz svega navedenog zaključujemo da pečatom općinskog vijeća treba da rukuje, upotrebljava ga i stara se o njegovom čuvanju rukovodilac, odnosno predsjedavajući Općinskog vijeća ili osoba koju on odredi svojim aktom.

Također, mišljenja smo da Općinski načelnik ne može od Općinskog vijeća tražiti preispitivanje pojedinačnih akata koji se odnose na imenovanje rukovodstva općinskog vijeća i njegovih radnih tijela.

S poštovanjem.

**PO OVLAŠTENJU MINISTRA
POMOĆNIK MINISTRA ZA PRAVOSUĐE**


Damir Šapina



Dostaviti:

1. Naslovu,
2. U registar,
3. Arhivi